

**Uunga siunnersuut: Uranimik il. il., misissueqqaarnermut, ujaasinermut piiaanermullu
inerteqquteqarneq pillugu Inatsisartut inatsisaat**

*Ineqarnermut, Attaveqaasersuutitut, Aatsitassanut, Inatsisit Atuutsitsinneqarnerannut
Naligiissitaanermullu Naalakkersuisumit saqqummiunneqartoq*

pillugu

Inuussutissarsiornermut Aatsitassanullu Ataatsimiititaliap

siunnersuutip pingajussaaneerneqarneranut

ILASSUTITUT ISUMALIUTISSIISUTAA

Ataatsimiititaliap suliarinninnermini kingullertigut ilaasortarai:

Inatsisartunut ilaasortaq Mariane Paviassen, Inuit Ataqtigiit, siulittaasoq

Inatsisartunut ilaasortaq Lars Poulsen, Siumut, siulittaasup tullia

Inatsisartunut ilaasortaq Aqqalu Jerimiassen, Atassut

Inatsisartunut ilaasortaq Karl Tobiassen, Siumut

Inatsisartunut ilaasortaq Knud Mathiassen, Inuit Ataqtigiit

Inatsisartunut ilaasortaq Harald Bianco, Inuit Ataqtigiit

Inatsisartunut ilaasortaq Aslak Wilhelm Jensen, Siumut

Siunnersuut ulloq 2. november 2021 aappassaaneerneqarnermini
pingajussaaneerneqannginnermini ataatsimiititaliamut suliarineqaqqittussanngortinneqarpoq.

Aappassaaneerinninnermi siunnersuut pillugu annertuumik oqallittoqarpoq, siunnersuut
isumaqatigalugu akerleralugulu tungavilersuutit siunnermeerinninnermi saqqummiunneqartut
assigalugit. Aappassaaneerinninnermi ilaatigut siunnersuutip §-iisa aappaat
qitiutinneqarpoq, tassuuna Naalakkersuisut piginnaatinneqarput inatsisip atuuffiata
aatsitassanut allanut uraniunngitsunut annertusineqarsinnaaneranut. Qitiutinneqartut allat
ilagaat siunnersuut pillugu imaluunniit ”uranimik piiaanissaq isumaqatigalugu
isumaqatiginaguluunniit” innuttaasunik taasisitsisoqarsinnaaneranut
taasisitsisoqannginnissaanulluunniit tungavilersuutit. Siunnersuutip
pingajussaaneerneqannginnermini ataatsimiititaliamut suliasanngorteqqinneqarnissaa
nalinginnaasumik isumaqatigiissutaasvoq.

Allannguutissatut siunnersuut

Pingajussaaneerinninnermut allannguutissatut siunnersuutit marluk saqqummiunneqarput. Allannguutissatut siunnersuutit imminnut mattutinngillat:

Allannguutissatut siunnersuut 1:

Atassut siunnersuutip pingajussaaneerneqarnissaanut allannguutissatut siunnersuuteqarpoq. Allannguutissatut siunnersuutip siunertaraa siunnersuutip atuutilerfissaata allanngortinneqarnissaa, taamaalillunilu Naalakkersuisut siusinnerpaamik Inatsisartut inatsisaat pillugu najoqqutassiiviusumik innuttaasut taasisinneqareernerisa kingorna sapaatit akunneri sisamat qaangiunneranni siunnersuummik atuutilersitsisinnaassallutik. Allannguutissatut siunnersuut ilassutitut isumaliutissiisummut **ilanngussatut A**-tut ilanngunneqarpoq.

Ataatsimiititaliami amerlanerussuteqartut Siumup Atassutillu ilaasortaatitaasa allannguutissatut siunnersuutip akuersissutigineqarnissaa inassutigaat. Ataatsimiititaliami ikinnerussuteqartut Inuit Ataqtigiit ilaasortaatitaasa allannguutissatut siunnersuutip itigartinneqarnissaa siunnersuutaqaartullu akuersissutigineqarnissaa inassutigaat. Ataani inassuteqaatini ikinnerussuteqartut oqaaseqaataat innersuussutigineqarpoq.

Allannguutissatut siunnersuut 2:

Siumut Atassullu ataatsimoorlutik siunnersuutip pingajussaaneerneqarnissaanut suli ataatsimik allannguutissatut siunnersuuteqarput. Allannguutissatut siunnersuutip § 2-p peerneqarnissaa siunertaraa. Allannguutissatut siunnersuummut tunuliaqutaasut eqqarsaatigalugit aappassaaneerinninnermut isumaliutissiisut innersuussutigineqarpoq. Allannguutissatut siunnersuut ilassutitut isumaliutissiisummut **ilanngussatut B**-tut ilanngunneqarpoq. Allannguutissatut siunnersuummut nassuiaatit innersuussutigineqarput.

Ataatsimiititaliami amerlanerussuteqartut Siumup Atassutillu ilaasortaatitaasa allannguutissatut siunnersuutip akuersissutigineqarnissaa inassutigaat. Ataatsimiititaliami ikinnerussuteqartut Inuit Ataqtigiit ilaasortaatitaasa allannguutissatut siunnersuutip itigartinneqarnissaa siunnersuutaqaartullu akuersissutigineqarnissaa inassutigaat. Ataani inassuteqaatini ikinnerussuteqartut oqaaseqaataat innersuussutigineqarpoq.

Ataatsimiititaliap inassuteqaatai

Ataatsimiititaliami amerlanerussuteqartut Siumup Atassutillu ilaasortaatitaasa allannguutissatut siunnersuutip 1-ip aamma allannguutissatut siunnersuutip 2-p akuersissutigineqarnissaat inassutigaat.

Ataatsimiitaliami ikinnerussuteqartut Inuit Ataqtigiit ilaasortaatitaasa siunnersuut pillugu oqaatigissavaat:

Inuit Ataqtigiit siunnersuutip aallaqqaammut ilusimisut akuersissutigineqarnissaa inassutigaa.

Ataatsimiitaliami ikinnerussuteqartut qulaani taaneqartut tamanna tunngavigalugu allannguutissatut siunnersuutip 1-ip aamma allannguutissatut siunnersuutip 2-p itigartinneqarnissaat **siunnersuutaqqaartullu akuersissutigineqarnissaa** inassutigaa.

Taamatut oqaaseqarluni isumaliutissiisummilu taaneqartutut paasinnilluni ataatsimiitaliap siunnersuut pingajussaaniigassanngortippaa.




Mariane Paviassen
Siulittaasq




Lars Poulsen
Siulittaasup tullia



Aqqalu Jerimiassen



Karl Tobiassen



Knud Mathiassen



Harald Bianco



Aslak Wilhelm Jensen